



# PSEČI JEZIK GOVORIM



BUDI SIGURAN I ODGOVORAN!





Septembar, 2018. godine  
© Predstavništvo Fondacije Dogs Trust u BiH | [www.dogstrust.ba](http://www.dogstrust.ba)



# PSEĆI JEZIK GOVORIM



UPOZNAJ POTREBE I PRIRODU  
PSA DA BI BIO SIGURNIJI



# DA LI ME PAS RAZUMIJE?

Mnogi se svojim psima obraćaju ljudskim jezikom i psi razumiju poneku našu riječ, posebno ako su obučeni. Međutim, psi ne mogu pričati kao mi pa s nama „razgovaraju“ izrazom lica i očiju, govorom tijela i signalima koji nam pokazuju kako se osjećaju i šta žele!

Uz ovu slikovnicu nauči kako psi „misle“ i usvoji najvažnija pravila o tome kako da budeš što sigurniji u kontaktu sa psima ili u njihovoј blizini!

Zabavna i korisna pjesmica koja će nam pomoći da naučimo osnove psećeg jezika! Svaka strofa govori nam nešto o tome šta pas voli a šta ne, a što je jako važno za našu sigurnost! Zapamti, pas ima emocije slične kao i mi ali ne voli sve isto što i ljudi. Poštuj prirodu psa i nauči šta ti govori kako bi bio što sigurniji!



# PSEĆI JEZIK GOVORIM

Šta psi vole – upoznat sam s tim  
jer pseći jezik govorim.

Mami, tati, ja širom ruke otvorim  
ali psa ja ne grlim – jer pseći jezik govorim.

Pitam mamu, pa čiku s psom, mogu li se  
igrati sa psićem tim  
jer pseći jezik ja govorim!

I znam da nas pas kroz njih upoznaje,  
i ne može nam ljudskim glasom ništa reći  
Jer pseći jezik ja govorim!

Znam i da nježno gladim psiću krvnico,  
ali nikako po glavi


I nikada ga naglas ne korim –  
jer pseći jezik ja govorim.

Kada jede, ne prilazim mu, a niti kada spava,  
ni riječ neću da prozbirim,  
jer pseći jezik govorim!

Ako skoči, mirno stanem i preklopim ruke  
jer poznavanje jezika psećeg ponekad  
nas može spasiti i muke.

Pseći jezik nauči i svojim prijateljima preporuči.  
Siguran i odgovoran budi,  
To nas uče naši Dogs Trust ljudi!





# PRAVILA SIGURNOSTI U KONTAKTU S PSOM I U BLIZINI PASA

Zamislite da se nalazite u zemlji čiji jezik ne govorite i da niko ne razumije vaša pitanja. Kako biste se vi osjećali?

Nauči jezik svog psa kako bi ga bolje razumio i kako ne bi dolazilo do nesporazuma! Poštujte prirodu pasa i obavezno koristite principe sigurnosti u kontaktu sa psima ili u blizini pasa!

**Šta psi vole –  
upoznat sam s tim  
jer pseći jezik govorim.  
Mami, tati, ja širom  
ruke otvorim  
ali psa ja ne grlim –  
jer pseći jezik govorim.**

Pitam mamu, pa čiku s psom mogu li se  
igrati, jer pseći jezik govorim!

Jer pseći jezik ja govorim!

I znam da nas pas kroz njih upoznaje,  
i ne može nam ljudskim glasom ništa reći

Jer pseći jezik ja govorim!

Zaokruži šta znači drugi stih:

- a) Pse ne grle oni koji ih ne vole
- b) Grliti psa je super i nikada nije opasno
- c) Svi psi vole zagrljaje kao i ljudi
- d) Psi nisu kao ljudi i zagrljaj za njih može izgledati kao prijeteći pokret


PRAVILO BROJ 1

# PSI NISU KAO LJUDI I NE VOLE ZAGRLJAJE!

Čak i inače vrlo prijateljski raspoložen i veseo pas  
može te nenamjerno povrijediti ako se uplaši!



Ako vidiš prijateljski raspoloženog psa na povoku s vlasnikom i želiš ga pomilkiti, prvo za odobrenje pitaj roditelja, zatim vlasnika a potom "pitaj" psa. Ako pas ne pride, to znači da nije raspoložen za upoznavanje. Poštuj njegovu "odluku" – jer ni ti nisi uvijek raspoložen za druženje.



Pitam mamu,  
pa čiku s psom, mogu li se  
igrati sa psićem tim  
jer pseći jezik ja govorim!  
I znam da nas pas kroz njuh  
upoznaje, i ne može nam  
ljudskim glasom ništa reći  
jer pseći jezik  
ja govorim!

Redoslijed principa sigurnog pristupa psu:

- 1) Pitaj roditelja ili odraslu osobu koja je s tobom za dozvolu
- 2) Pitaj vlasnika za dozvolu da pristupiš psu
- 3) Dozvoli psu da te onjuši, ako želi.  
Ako ne želi, poštuj njegovu "odluku".
- 4) Ako ti je pas prišao i onjušio te, nježno ga pogladi po krznu ispod ogrlice, nikada po glavi

PRAVILO BROJ 2

ZAPAMTI, NEMOJ PRILAZITI PSU, VEĆ  
PUSTI DA ON PRIĐE TEBI AKO TO ŽELI.  
NE PRUŽAJ RUKU PREMA NJEMU VEĆ MU  
DOPUSTI DA TE SAM ONJUŠI!



Znam i da nježno gladim  
psiću krvno, ali nikako po glavi  
i nikada ga naglas ne korim –  
jer pseći jezik ja govorim.

Ako skoči, mirno stanem i preklopim ruke  
Jer poznavanje jezika psećeg ponekad  
nas može spasiti i muke.

Također, psi ne razumiju baš sve naše riječi, ali  
razumiju ton! Ako si došao iz škole i shvatio da je tvoj  
pas uradio nešto što nisi želio, nemoj nikada na njega  
vikati ili ga ružiti. Pas nema tako dugotrajno sjećanje  
na svoje akcije te će pomisliti da ga ružiš jer se  
upravo obradovao tvom dolasku kući.

## PRAVILO BROJ 3

**VAŽNO: KADA ŽELIŠ DA POMILUJEŠ PSA,  
NIKADA NEMOJ RUKOM KRENUTI PREMA  
GLAVI PSA JER SE MOŽE UPLAŠITI.**

Zamisli da prema tebi ide neko mnogo veći od tebe i rukama kreće prema tvojoj glavi. Kako bi se ti osjećao/osjećala?!



Pitam mamu, pa čiku s psom, mogu li se  
igrati sa psićem tim  
Jer pseči jezik ja govorim!

I znam da nas pas kroz njuh upoznaje,  
i ne može nam ljudskim glasom ništa reći  
Jer pseči jezik ja govorim!

Znam i da jezno gladim, ali i krzno,  
ali nikako po glavu  
nikada ga naglas ne korim  
jer pseči jezik ja govorim.

Kada jede, ne prilazim mu,  
a niti kada spava,  
ni riječ neću da prozbiorim,  
jer pseči jezik govorim!

Ako se čiči, mirno stanem i preklapam  
Jer pozdravanje jezika psećem, nekad  
najbolje spasiće žive.

Pseči jezik nauči i svojim priateljima preporuči.  
Siguran i odgovoran budi


Bilo da se radi o psu kojeg poznaješ ili o nepoznatom psu, uvijek imaj ovo na umu: Ako mu neko pride kada jede, pas se može uplašiti da će mu hrana biti oduzeta i "pomisliti" da mora da je brani. Pas ne razumije ako mu našim jezikom kažemo „neću ti uzeti hranu“, niti zna reći ljudskim glasom „ovo je moja hrana, odmakni se“!

Umjesto toga, pas daje signale „psećim jezikom“. Položaj tijela mu može pokazivati zabrinutost i nervozu, a može upozoriti i režanjem, a ako ga niko ne shvati, može i napasti.

## PRAVILO BROJ 4

# NIKADA NE PRILAZI NI JEDNOM PSU KADA SPAVA ILI JEDE, ČAK I AKO JE TO TVOJ LJUBIMAC.

Psi ne razmišljaju isto kao mi, i nagli prilazak kada jedu može im se učiniti kao prijetnja da će izgubiti svoju hranu. Isto tako, ako psa naglo probudiš, on te nenamjerno može povrijediti jer će se uplašiti!



jer jezik ja govorim pseći!  
ali nikako po glavi  
I nikada ga naglas ne korim –  
jer pseći jezik ja govorim.

Kada jedan ne prilazim mu, a niti žanda spava,  
ali riječ neću da prozborim.  
Jer pseći jezik govorim!  
**Ako skoči, mirno stanem i  
preklopim ruke  
jer poznavanje jezika  
psećeg ponekad  
nas može spasiti i muke.**

Pseći jezik nauči i svojim prijateljima pre  
siguran i odgovoran ljudi  
To nas uči: Trust me, I trust ljudi!

Ponekad pas postane ushićen jer želi da se igra, ili  
je možda vidio drugog psa, ili jer se nečega uplašio.

Poznavanje načina na koji pas „govori“ je važno kako za  
tvoju sigurnost, tako i za dobrobit tvog psa!

Pas ne zna da te ako skoči na tebe, može u najmanju ruku  
uplašiti, ali i oboriti i povrijediti.

Zato, ako je pas ushićen i skače, odmah se „umiri“,  
zatim preklopi ruke na prsima (kao na slici), i nastoj da  
izgledaš kao da te ne zanima to što pas radi. Tako će  
pas uskoro izgubiti interes i otići od tebe.

PRAVILO BROJ 5

# AKO PAS SKOČI, STANI I OVAKO PREKLOPI RUKE



Razmislite o tome kako se vi osjećate kada iznenada čujete glasan zvuk? Naravno, uplašite se! Ali čim shvatite da taj zvuk nije opasnost, smirite se.

PAS NE MOŽE MISLITI KAO ČOVJEK NITI ZAKLJUČITI ZNAČI LI GLASAN ZVUK OPASNOST ILI NE. AKO SE UPLAŠI, SVAKI PAS MOŽE IMATI REAKCIJU KOjom NENAMJERNO NEKOga MOŽE POVRIJEDITI.

Svaki pas bi trebalo da ima odgovornog vlasnika koji zna njegove potrebe i koji se o njima odgovorno brine. Nažalost, to nije uvijek slučaj. Zato mnogi psi i njihovi potomci žive napušteni na ulicama. Svi znamo da pas ne govori ljudskim jezikom, već govorom tijela i signalima koje možemo zvati „pseći jezik“.

Da biste bili što sigurniji, strogo poštujte pravila sigurnosti u kontaktu sa psima ili u blizini pasa.

PRAVILO BROJ 6

NIKADA NE PROIZVODI GLASNE  
ZVUKOVE I NE VIČI U BLIZINI PSA!




Ako se plašiš pasa, a vidiš nepoznatog psa, u parku, na ulici ili u kući, možeš pomisliti da je najbolje da potrčiš i što prije pobegneš od njega. Ali STOP!

**AKO POTRČIŠ, PAS ĆE POMISLITI DA TREBA DA TE LOVI. PONEKAD ĆE MISLITI DA SE ŽELIŠ IGRATI, ALI PONEKAD I DA SI PLIJEN KOJEG TREBA UHVATITI.**

### VAŽNO!

Umjesto toga, ako pas nije krenuo prema tebi, nastavi mirno hodati istim korakom kao i do tada i lagano se udalji na sigurno mjesto. Ako vidiš da je pas krenuo prema tebi – sjeti se pravila: stani i zaledi se – preklopi ruke na prsima – ne gledaj psa u oči.



PRAVILO BROJ 7

NIKADA NE TRČI AKO JE NEPOZNAT  
PAS U TVOJOJ BLIZINI!

Mnoga djeca vole pse, a oni koji ga imaju ili poznaju nekoga ko ima psa, često se igraju s njim i uživaju u tome. Ipak, pri svakoj igri sa psom moraš biti oprezan, i nikad ga ne uplašiti naglim pokretom ili dodirom koji ne očekuje i koji mu nije ugodan.

Zapamti, poštuj ovo pravilo čak i ako znaš da je pas tako dobroćudan da čak ponekad pušta da ga djeca „gnjave“! Ni ti ne voliš da te neko štipa za obraze ili još gore vuče za uši pa tako to ne voli ni pas!



PRAVILO BROJ 8

DA BI BIO ŠTO SIGURNIJI U  
KONTAKTU S PSIMA, NIKADA  
NE VUCI PSA ZA REP ILI UŠI!




I nikada ga naglas ne korim –  
jer pseći jezik ja govorim.

Kada jede, ne prilazim mu, a niti kada spava,  
ni riječ neću da prozborim,  
Jer pseći jezik govorim!

Ako skoči u mornarino stanem i prihvati sopim ruke  
Jer poznavanje jezika psećeg ponekad  
nas može spasiti i muke.

Pseći jezik nauči i svojim  
priateljima preporuči.  
Siguran i odgovoran budi,  
to nas uče naši  
Dogs Trust ljudi!


Ako želiš naučiti kako da spriječiš neželjeno ponašanje svog psa tako  
da on ne bude ni tužan ni uplašen, a živiš u regiji Sarajeva i Zenice,  
razgovoraj sa roditeljima da se prijavиш za Dogs Trust Školu za pse, što  
možeš uraditi na [www.dogstrust.ba](http://www.dogstrust.ba). Obavezno pokaži svojim roditeljima,  
i sa njima pogledaj, serijal pod imenom "Obuka bez muke za Dogs Trust  
cuke" na našem YouTube kanalu: Dogs Trust BiH!



ZAKLJUČAK

UPOZNAJ POTREBE I PRIRODU  
PSA DA BI BIO SIGURNIJI





# MITOVi

## O KONTAKTIMA S PSIMA I U BLIZINI PASA

Ako naučiš da čitaš jezik pasa, bit ćeš sigurniji u blizini ili u kontaktu s njima, a ako se radi o tvom ljubimcu, i on će biti jako sretan što njegov omiljeni čovjek razumije „pseći jezik“! Ali budi oprezan! Pojedinačni govor tijela psa ponekad može zavarati!


## MIT BROJ 1: AKO PAS MAŠE REPOM, PRIJATELJSKI JE RASPOLOŽEN!

**POGREŠNO!**

Signali koje pas daje govorom tijela, pa čak i položaj i način mahanja repa, može ponekada biti znak da je pas uzrujan. Zato je potrebno pomno gledati njegovo cijelo tijelo i izraz lica te koristeći stečeno znanje nastojati „pročitati“ situaciju u kojoj se pas nalazi.

ZAPAMTI!

NIKADA NE PRILAZI NEPOZNATOM PSU,  
MA KOLIKO IZGLEDAO SRETAN I  
PRIJATELJSKI RASPOLOŽEN!



Već smo naučili da nas pojedinačni govor tijela psa ponekad može zavarati!

### MIT BROJ 2:

PAS KOJI LEGNE NA LEĐA I POKAŽE VAM STOMAK, ZAPRAVO JE POKORAN I BEZOPASAN, TE TRAŽI DA GA POMILUJETE PO STOMAKU!

### POGREŠNO!

Mada ponekad pas koji legne na leđa doista pokazuje naklonost, to ipak najčešće radi nekome koga dobro poznaje. Ako se nađete u društvu nepoznatog psa u ovom položaju, držite na umu da on time možda poručuje „ne želim nevolju, ali mi treba prostora“.

Ako poznat pas kojem si prišao, uz odobrenje i prisustvo odrasle osobe, legne na leđa, uvijek od vlasnika prvo traži da psu naredi da sjedne, pa ga tek onda pomiluj u skladu s principima sigurnog kontakta s psima (pusti psu da pride i da te onjuši, a zatim ga blago pomiluj ispod ogrlice i nikada po glavi!).

AKO PAS KOJI JE NA LEĐIMA NAPRAVI  
ZVUK KAO ŠTO JE REŽANJE, MOŽDA TE  
UPOZORAVA I GOVORI “NE DIRAJ ME”!  
OBAVEZNO GA POSLUŠAJ!



### MIT BROJ 3:

ZIJEVANJE PSA UVIEK JE ZNAK  
DA JE PAS UMORAN I POSPAN!

POGREŠNO!

Kao i ljudi, i pas ponekad zijeva jer je pospan. Ali, kod pasa učestalo zijevanje može značiti da mu je zbog nečega neugodno. Kao i za svaki drugi signal koji pas daje, važno je gledati situaciju koja psa okružuje i govor njegovog tijela u cjelini.

Ako pas leži udobno na svom krevetiću, zijevanje je vjerovatno samo znak pospanosti.

Ali ako tvoj pas zijeva dok se igrate, to može značiti da mu je potrebna pauza.

ZAPAMTI!

NIKADA SE NE IGRAJ SA PSOM, PA ČAK I  
SA SVOJIM, BEZ ODOBRENJA I NADZORA  
ODRASLE OSOBE KOJA DOBRO POZNAJE PSA!



## MIT BROJ 4:

**“NASMIJANI PAS” JE PRIJATELJSKI RASPOLOŽEN.**

### **PAŽNJA!**

Neki ljudi znaju prepoznati kada je pas doista „nasmijan“ – jer tada ima opušteno tijelo, blago otvorena usta i mirno dahće. Međutim, ljudi su jedina bića koja pokazuju zube (osmjeju se) kao znak prijateljstva.

ZAPAMTI!

POKAZIVANJE ZUBA U SVIJETU ŽIVOTINJA  
UGLAVNOM JE VEZANO ZA PRIJETNJU! AKO PAS  
PRI TOME IMA UKOČENO TIJELO, NABORANU  
NUŠSKU, A POSEBNO AKO REŽI – NE PRILAZI!



## MIT BROJ 5:

PAS SE OBLIZUJE SAMO KADA JE GLADAN  
ILI KADA JE UPRAVO ZAVRŠIO S OBROKOM!

**POGREŠNO!**

Kao ljudi, često se ravnamo po sebi. Ako nam je nešto smiješno, mislimo da je svima smiješno. Ako je nešto priyatno za nas, pomislimo da tako mora biti i za druge. Ovo često nije istina ni za sve ljude, a posebno ne za životinje.

Ako se pas oblizuje, a nije nedavno završio s hranom, moguće je da vam šalje drugačiju poruku i govori vam da mu je nešto u okruženju neugodno i da ga plaši! A strah kod psa može izazvati neočekivanu reakciju!

Zapamtite, signali koje pas šalje mogu zavarati ako ne posmatramo psa u cijelini, njegov položaj tijela, izraz lica, te okruženje i situaciju u kojoj se nalazi.

ZAPAMTI!

PAS NE MISLI ISTO KAO LJUDI I  
“GOVORI” NAM SIGNALIMA KOJE MOŽDA  
NEĆEŠ MOĆI SAM PROTUMAČITI.  
ZATO NIKADA, ALI BAŠ NIKADA NE PRILAZI  
NEPOZNATOM PSU!



# ZAKLJUČCI

Kada pas uradi nešto što njegov vlasnik ne odobrava (npr. izgrize rolnu toalet papira svuda po kući, izglođe cipelu, i sl.), a vlasnik mu tonom glasa pokaže da se na njega ljuti (jer pas razumije samo ton, a ne riječi), čini nam se da se pas „izvinjava“ jer mu izraz očiju, lica i govor tijela pokazuju da zna da je „kriv“.

Da njegov vlasnik samo zna da takav osjećaj „krivice“ njegovom ljubimcu jako teško pada, i da je on zapravo jako zabrinut, to nikada ne bi radio!

**AKO NAUČIMO „PSEĆI JEZIK“, BOLJE ĆEMO BRINUTI O SVOM LJUBIMCU, A BIT ĆEMO SIGURNIJI U KONTAKTU SA PSIMA I U BLIZINI NEPOZNATIH PASA!**

POLOŽAJEM TIJELA, TE IZRAZOM OČIJU  
I LICA, PAS NAM “GOVORI” KAKO SE  
OSJEĆA, I JE LI SRETAN ILI NIJE.



Iz svega naučenog smo zaključili da je pokretač neočekivanog ponašanja kod psa najčešće – strah. Naučiti šta izaziva strah kod pasa nam može pomoći da bolje razumijemo svog psa ali i da budemo sigurniji u blizini nepoznatih pasa!

Mnogo je razloga zbog kojih će pas pokazati strah: ako je napušten, gladan i žedan, ako mu je hladno, ako su ga neki ljudi napadali, vikali na njega ili ga gađali kamenjem, ako ga je vlasnik obučavao koristeći metode kažnjavanja.

**ZAPAMTI: MADA TI PAS NA ULICI MOŽE IZGLEDATI PRIJATELJSKI RASPOLOŽEN I ČESTO TO I JESTE, S PSIMA MOŽE DOĆI DO NESPORAZUMA**

pri čemu te pas može povrijediti, bilo da se radi o psima koji žive na ulici, ali i sa vlasničkim psima koji nemaju pravilnu brigu.

ZAPAMTI!

PSI SE MOGU UPLAŠITI BAŠ KAO I TI ZATO  
UVIJEK UVIJEK U BLIZINI PASA KORISTI  
PRINCIPE SIGURNOSTI!




Do sada smo mnogo učili o tome kako shvatiti signale koji govore da psu nije ugodno i da je uplašen. Ovaj put govorimo o znakovima koji pokazuju da je pas sretan.

## SRETAN I ZADOVOLJAN PAS IMA MEKAN, NJEŽAN POGLED, UŠI OPUŠTENO DRŽI NEGDJE NA SREDINI GLAVE

(nikako zalizane, nenačuljene, osim ako to nije karakteristika pasmine), a usta su mu najčešće malo otvorena, uz blago dahtanje, a repom maše nježno, neobavezno, i ne drži ga ni previsoko podignutim ni sasvim spuštenim.

ZAPAMTI!

NIKADA NE PRILAZI NEPOZNATOM PSU,  
MA KOLIKO TI IZGLEDAO SRETAN! I NIKADA NE  
PRILAZI NIJEDNOM PSU BEZ ODOBRENJA SVOG  
RODITELJA I VLASNIKA PSA!



# KVIZ

U ovom broju vas pozivamo da iskoristite znanje stečeno na Dogs Trust radionicama i kroz sadržaje koje smo ove godine za vas pripremili.

**Paw** Kada vidim nepoznatog psa kako leži u mojoj blizini:

- a) Prići će mi da ga pomilujem
- b) Potrčati će što brže mogu da pobjegnem od njega
- c) Nastojati će ostati što mirniji i laganim korakom istog tempa, kao i ranije se udaljiti od psa, ne gledajući direktno u njega
- d) Početi će vikati i gađati psa kamenjem

**Paw** Ako pas u mojoj blizini skače i igra se:

- a) Preklopiti će ruke i „zalediti se“, te će gledati ili gore ili dolje, djelujući nezainteresovano, i ne gledajući u pravcu psa
- b) Potrčati će prema njemu da mu bacim štap kako bi pas otišao po njega
- c) Početi će trčati od njega što brže mogu
- d) Potrčati će prema njemu pruženih ruku kako bih ga uplašio

**Paw** Ako idem u školu bez pratnje roditelja i vidim slatkog psa bez vlasnika, kojeg želim pomilovati:

- a) Prići će mi odmah i pomilovati ga po glavi
- b) Potrčati će prema njemu raširenih ruku da ga zagrimim
- c) Nastaviti će hodati dalje od psa laganim korakom, ne gledajući u njega

Ako želite biti dio posebne grupe djece koja će u 2019. godini posjetiti Školu za pse i od stručnog instruktora za obuku pasa saznati više o ponašanju i prirodi pasa te o principima sigurnosti, odgovorite na postavljena pitanja te stranicu sa odgovorima pošaljite na: Predstavništvo Fondacije Dogs Trust; Ul. Gorica 61, 71000 Sarajevo KVIZ ZA POSJETU ŠKOLI ZA PSE

**🐾 Ako u šetnji sa odrasлом osobom vidim psa kojeg vlasnik vodi na povoku, a želim ga pomilovati:**

- a) Pritrčat ću i obasuti ga zagrljajima
- b) Prići ću i pomaziti psa po glavi
- c) Potrčat ću prema njemu glasno ga zovući
- d) Prvo ću za dopuštenje pitati odraslu osobu koja je sa mnom, a zatim vlasnika. Ako mi oboje dopuste, prići ću lagano psu i dopustiti mu da me upozna njušeći moju ruku, a tek onda ga blago pomilovati ispod ogrlice, ne po glavi

**🐾 Ako moj pas ili pas prijatelja kod kojeg sam u gostima jede:**

- a) Prići ću mu i dati mu nekoliko zalogaja iz moje ruke
- b) Prići ću i uzeti mu zdjelu kako bih ga malo zavitlavao
- c) Neću prilaziti blizu psa sve dok jede

**🐾 Ako vidim psa kako spava**

- a) Prići ću mu i probuditi ga jer želim da se igram s njim
- b) Neću mu prilaziti, već ću se laganim korakom i ne praveći zvukove udaljiti od njega
- c) Počet ću vikati i zvati pomoći jer se plašim psa

# NOTES





BITI VLASNIK PSA JE ZABAVNO  
ALI JE I VELIKA ODGOVORNOST



Predstavništvo Fondacije Dogs Trust u BiH  
Gorica 61, 71000 Sarajevo, Bosna i Hercegovina  
T 033 832 593 T 033 837 649 F 033 832 634  
office@dogstrust.ba | [www.dogstrust.ba](http://www.dogstrust.ba)